



15.02.24
u 14,00€ 130
Djanić
Medović

Bosnia and Herzegovina
Federation of Bosnia and Herzegovina
CANTON SARAJEVO
Cantonal Civil Protection Administration

15/02/24
Amela C.
* Egip. pit.
* haci i raji
odgovor -
Musk
23

Broj: 01-04-94-1/24
Sarajevo, 13.02.2024. godine

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
Stručna služba Vlade

Bosna i Hercegovina
Federacija Bosne i Hercegovine
KANTON SARAJEVO
Broj: 01-04-94-1/24
14-02-2024
Kantonalna uprava civilne zaštite
Redni broj: 53807-42
Broj: 23

PREDMET: Odgovor na zastupničku inicijativu, dostavlja se.-

VEZA: Vaš akt broj: 16-04-538071-18/23 A.Č. od 25.01.2024. godine

Poštovani,

Vašim aktom, broj i datum veze, dostavili ste Kantonalnoj upravi civilne zaštite Kantona Sarajevo zastupničku inicijativu koju je uputila zastupnica Admela Hodžić dana 16.01.2024. godine a koja je ramatрана na Devetoj sjednici Vlade Kanona Sarajevo održanoj 25.01.2024. godine, i to:

„podnijela sam inicijativu Vladi Kantona Sarajevo da sredstva planirana u Budžetu Kantonalne uprave civilne zaštite Kantona Sarajevo za 2023. godinu, sa stavke 614300 – Tekući transferi neprofitnim organizacijama UAN004 Tekući transferi vatrogasnim društvima u iznosu od 200.000 KM isplati vatrogasnim društvima sa područja Kantona Sarajevo. U Budžetu Kantona Sarajevo za 2023. godinu su planirana groe navedena sredstva, ali do danas nisu isplaćena, pa se ova inicijativa može smatrati hitnom obzirom na današnji datum. Na ovu inicijativu je Kantonalna uprava civilne zaštite Kantona Sarajevo uputila odgovor broj: 01-04-1576-1/23 od 05.01.2024. godine. Odgovor koji mi je dostavljen odnosi se na sredstva iz prethodnih godina i nije predmet onoga što sam tražila inicijativom, te zbog toga ovaj put inicijativu upućujem Vladi i premijeru Kantona Sarajevo da riješe ovaj problem i isplate sredstva vatrogasnim društvima za svaki poziv na intervenciju u 2023. godini od strane Kantonalne uprave civilne zaštite Kantona Sarajevo, a takvih poziva za intervencije bilo je 156. Iznos koji treba uplatiti vatrogasnim društvima za troškove svakog poziva na intervenciju od strane Kantonalne uprave civilne zaštite Kantona Sarajevo, može obračunati ovlašteni sudski vještak ako Kantonalna uprava civilne zaštite Kantona Sarajevo nije u stanju obračunati te troškove.“

ODGOVOR:

Kantonalna uprava civilne zaštite Kantona Sarajevo (u daljem tekstu: Uprava) napominje da se radi o drugoj zastupničkoj inicijativi sa istim predmetom, te da je Uprava dostavila odgovor na zastupničku inicijativu zastupnice Admele Hodžić od 19.12.2023. godine Vladi Kantona Sarajevo aktom broj: 01-04-1576-3/23 od 08.01.2024. godine. Također, Uprava napominje da u potpunosti

stoji iza stavova iznesenih u prvom odgovoru na zastupničku inicijativu broj: 01-04-1576-1/23 od 05.01.2024. godine, te da se navedeni odgovor smatra odgovorom i na ovu predmetnu zastupničku inicijativu od 16.01.2024. godine.

Također, Uprava koristi priliku da napomene da je u vremenskom periodu od prvog odgovora na zastupničku inicijativu nastavila sa kontinuiranim pokušajima, a koji generalno traju više od dvije godine, animiranja Federalne uprave civilne zaštite kao nadležnog organa za rješavanje značajnih problema i izazova u predmetnoj oblasti od kojih je jedan i finansiranje dobrovoljnih vatrogasnih društava, te se očekuje u kratkom vremenskom roku pronalazak rješenja za potpuno zakonsko finansiranje dobrovoljnih vatrogasnih društava, a sve imajući u vidu činjenicu da je već ranije Uprava tražila tumačenje odredbi Zakona o zaštiti od požara i vatrogastvu ("Službene novine FBiH", broj: 64/09) koji se odnose na finansiranje dobrovoljnih vatrogasnih društava. U vezi sa prethodno navedenim, Uprava podsjeća da je Federalna uprava civilne zaštite kao nadležni organ aktom broj: 08-02-2-463/21 od 15.12.2021. godine dostavila mišljenje o finansiranju dobrovoljnih vatrogasnih društava u kojem se između ostalog navodi: "Značajan izvor njihovog finansiranja mogu biti i budžetska sredstva kantona, općine i grada. Ta sredstva se, po pravilu, obezbjeđuju za finansiranje projekata iz oblasti vatrogasne djelatnosti, koja predlože vatrogasna društva, a prihvati nadležni državni organ ili ako se ta društva uključe u realizaciju projekata iz oblasti vatrogasne djelatnosti koje predlože organi uprave civilne zaštite. Osnov za osiguranje budžetskih sredstava za djelatnost vatrogasnih društava moraju biti konkretni zadaci i projekti iz oblasti vatrogasne djelatnosti ili iz oblasti zaštite od požara, koji su Zakonom o zaštiti od požara stavljeni u nadležnost vatrogasnih društava. Shodno navedenom, mišljenja smo da se iz budžeta kantona, općine i grada ne mogu finansirati materijalni troškovi dobrovoljnog vatrogasnog društva". Iz prethodno navedenog proizilazi da Federalna uprava civilne zaštite nažalost nije ostavila mogućnost finansiranja po vatrogasnim intervencijama, ali angažmanom Uprave kao što je već ranije navedeno, očekuje se u što kraćem vremenskom roku pronalazak efikasnog i prvenstveno zakonitog načina finansiranja dobrovoljnih vatrogasnih društava po vatrogasnim intervencijama.

S poštovanjem,

Dostavljeno:

- Naslovu;
- a/a.

DIREKTOR
[Redacted Signature]
kanić

